

棠村詞



棠村詞序

歐陽公嘗謂遭時之士功烈顯於朝廷名譽垂於竹帛每視文章爲末事而又有不暇與不能者焉故有事業者不必有文章而窮居隱約失志之人每感激發憤一寓於文辭甚矣二者之難兼也然從來得志於時者不盡勞心以爲人也試觀晨而興暮而息皆悉心於天下國家之大乎抑別有所以耗吾神而勞吾形者耶是不能者固有之以云不暇則未也今大司農梁公領尚書事垂二十年功名旣赫奕矣猶篤學不倦每退食卽簾閣靜坐

嘯詠自娛所著詩古文海內傳頌已久間爲小詞必奪宋人之席每一篇出藝林競相傳寫何暇且能歟而人或謂公得時行道文章在史館政事在天下安用此小技爲也懋曰不然昔晏元獻歐文忠爲宋名臣其所建樹與所著作自古罕匹而珠玉六一之詞歌咏人口至今不廢蓋大君子之心不汨汨於嗜欲政事之暇寄閒情於詞賦性情使然也夫何害先是松陵徐子電發梓公棠村詞一卷俱收散佚于屏素紈扇間者惜未窺全豹近公小阮冶湄復請公新舊諸作合龔大宗伯香巖

詞吳祭酒梅村詞並行于世以懋受業於公屬爲序顧余小子自通籍以來方困辱於趨走憂愁鬱積殆歐陽公所謂窮者也夫窮者之言固宜工而亦復鹿鹿不暇以爲則兼而有之者不愈難哉不愈難哉

康熙癸丑夏月江都受業汪懋麟拜撰



棠村詞目錄

真定 梁清標 撰

點絳脣 一調

念奴嬌 一調

滿江紅 一調

喜遷鶯 一調

點絳脣 一調

卜算子 一調

如夢令 一調

南鄉子 一調

念奴嬌 二調

行香子 一調

如夢令 一調

蝶戀花 一調

南鄉子 一調

滿庭芳 一調

望江南 一調

永遇樂 二調

絳都春 一調

江城子 一調

漁家傲 一調

滿庭芳 一調

望海潮 一調

清平樂 一調

柳初新 一調

浪淘沙 一調

一剪梅 一調

訴衷情 一調

滿庭芳 一調

霜葉飛 一調

望江南 八調

錦纏道 一調

玉燭新 一調

東風齊着力 一調

水調歌頭 一調

燭影搖紅 一調

綺羅香 一調

小重山 一調

玉女搖僊佩 一調

玉蝴蝶 一調

鳳凰臺上憶吹簫 一調

浣溪沙 一調

夏初臨 一調

減字木蘭花 一調

醉花陰 一調

雨中花 一調

滿江紅 一調

漁家傲 一調

念奴嬌 一調

踏莎行 一調

菩薩蠻 一調

滿庭芳 一調

如夢令 一調

滿江紅 一調

桂枝香 一調

金縷曲 一調

念奴嬌 一調

玉漏遲 一調

滿江紅 一調

憶秦娥 一調

慶春澤 一調

千秋歲引 一調

應天長 一調

魚遊春水 一調

花心動 一調

滿庭芳 一調

帝臺春 一調

越溪春 一調

謝池春 一調

生查子 一調

蕙蘭芳引 一調

滿庭芳 一調

憶王孫 一調

燕春臺 一調

海棠春 一調

柳梢青 一調

少年遊 一調

眼兒嬌 一調

雙雙燕 一調

浣溪沙 一調

錦堂春 一調

山花子 一調

更漏子 一調

水調歌頭 一調

訴衷情 一調

蘇幙遮 一調

繡帶子 一調

錦帳春 一調

好事近 一調

行香子 一調

百字謠 一調

春從天上來 一調

沁園春 一調

憶舊遊 一調

醉春風 一調

御街行 一調

大聖樂 一調

春雲怨 一調

臨江僊 一調

蝶戀花 一調

沁園春 一調

萬年歡 一調

醉鄉春 一調

點櫻桃 一調

巫山一段雲 一調

杏花天 一調

金鳳鈞 一調

望江南 十調

南鄉子 一調

減字木蘭花 一調

歸自謠 一調

如夢令 一調

憶秦娥 一調

垂楊碧 一調

青玉案 一調

滿江紅 一調

喜遷鶯 一調

賀新郎 一調

菩薩蠻 四調

點絳脣 三調

瓜茉莉 一調

減字木蘭花 四調

鳳凰臺上憶吹簫 一調

蝶戀花 一調

點絳脣 一調

燭影搖紅 一調

念奴嬌 一調

滿江紅 一調

菩薩蠻 一調

陽臺夢 一調

畫錦堂 一調

孤鸞 一調

洞庭春色 一調

玉樓春 一調

卜算子 一調

一剪梅 一調

永遇樂 二調

滿庭芳 一調

蝶戀花

一調

眉峯碧

一調

驀山溪

一調

望湘人

一調

訴衷情

一調

菩薩蠻

一調

滿江紅

一調

念奴嬌

一調

減字木蘭花

一調

菩薩蠻

一調

減字木蘭花

一調

子夜歌

一調

念奴嬌

一調

千秋歲

一調

水龍吟

一調

蘇幙遮

一調

沁園春

一調

過秦樓

一調

戀繡衾

一調

釵頭鳳

一調

滿江紅

一調

念奴嬌

一調

連理枝

一調

江南春

一調

宮中調笑

二調

醉花陰

一調

宮中調笑

四調

明月斜

二調

鳳棲梧

一調

百字令

一調

瑤臺第一層

一調

雙頭蓮

一調

兩同心

一調

洞庭春色

一調

鷓鴣天

一調

瀟湘神

四調

滿江紅

一調

青玉案

一調

庭院深深

一調

玉樓春

一調

踏莎行 一調

東風第一枝 一調

棠村詞目錄 終

棠村詞

點絳脣 偶贈

真定 梁清標 撰

歌按涼州。燈前喜識春風面。傍誰庭院。碧玉閨中
怨。淡服新粧。無語頻凝盼。思量徧。幽情一線。付
與閒花片。

念奴嬌 送家光祿兄北上

西山薦爽。堪拄笏。飄墜井梧一葉。門外驪駒爭祖
道。分序雁行南北。十載親闈。兩悲風木。種種顛毛
白。老成高臥。靜看車馬心折。正逢乞巧針樓天。

孫會合。惆悵人間別。主聖時清。須一出。豈得久
淹泉石。事了拂衣。功成身退。早遂漁樵業。雕丘無
恙。韓溪同泛烟月。

滿江紅

棠村賞牡丹
第二體

春草孤村。茅亭立老槐如昨。香滿院名花傾國。臨
風綽約。三徑纔開。佳客至。一樽細雨同斟酌。嘆十
年宦海。歷風塵。空耽閣。鍾鼎業。波濤惡。林壑裏
無拘縛。趁日長體健。畱連芳萼。屋角遠山青欲滴。
溪邊釣艇魚新躍。看眼前。世事謾關情。秋雲薄。

喜遷鶯

夏日

蕉林雨歇。正寶篆香溫。瓶荷芳徹。斐几攤書。湘簾
伏枕。愁煞利名場客。消受薰籠茶椀。閒度草間飛
蝶。最愛是。傍蕭蕭疎竹。林梢新月。淒切關情處。
遠樹蟬聲。又值清秋節。白墮三杯。紅綃一曲。說甚
濟時豪傑。小構數椽。茆屋圖畫琴尊羅列。且白眼
任花開。花落。陰晴圓缺。

點絳脣

初秋

急雨空階。西風乍入簾櫳曉。秋葵開了。掩映疎籬
小。夢醒黃梁萬斛。愁如掃。長安道。驅馳人老。都
付閒花草。

卜算子 閨曉

寶鴨被重薰。茉莉香先透。兩兩鴛鴦宿碧紗。私語人知否。夜雨裊殘燈。朝露沾羅袖。怪煞開奩促曉粧。好夢濃如酒。

如夢令 秋夜

露下秋宵方永。睡起殘粧猶靚。携手步虛檐。人面月華相映。絕勝絕勝。小立滿身花影。

南鄉子 柳村

近郭遍青疇。深柳孤村杜若洲。菡萏自開還自落。悠悠野水閒雲泛白鷗。斜臥綠陰稠。瓜種東陵。

覓故侯。小阮柴局畱。夕照颼颼。蟬咽西風滿地愁。

念奴嬌 秋日仍疊前韵

十年京國空孟浪。解組一身如葉。浩蕩涼飈來木末。霜滿滹沱河北。俛首浮名。驚心世路。回想頭堪白。書生傲骨。腰圍寧使輕折。拚取潦倒詞場。醉眠錦瑟。揮手紅塵別。茅屋三間容膝了。何必平泉奇石。雨笠雲簑。閒花野草。管領幽人業。江山無盡。莫教辜負風月。

前調 家光祿西廬習靜再疊前韵

繁英過眼。看古今得失。浮雲飄葉。暑往寒來駒隙。

影早見塞鴻辭北。槐國無喧。漁村高枕。忍負洲蘋。
白東華翹首。羊腸空嘆千折。聞說重理蒲團。再
安丹竈。不與家人別。况有玉清堪共隱。奚用受書
黃石。蕉露研朱。松風啜茗。勾當山居業。他時出訪。
杖藜同踏蘿月。

行香子

登齋中小樓

霧斂高旻。樓敞無塵。捲殘霞恰受斜暉。俯凭飛檻。
遠眺城闌。看花如繡。山如沐。草如茵。綠窳窳。窳
碧樹繽紛。傍朱欄。怪石嶙峋。奇書堪把。濁酒重斟。
喜冬宜雪。秋宜月。夏宜雲。

如夢令

題畫扇

一夜西風輕剪。小院幽花初綻。芳沼立蜻蜓。掠水
飛來庭畔。閒盼閒盼。秋到江南深淺。

蝶戀花

秋夜

御袂涼生衣袂早。雁宿沙洲。處處開紅蓼。月滿關
河凋塞草。一聲玉笛征人老。促織催寒秋思好。
剪燭西窗。嘆息知音少。倚杖登樓恣遠眺。白雲片
片西山小。

南鄉子

秋夜小飲

秋草泣寒蠶。樺燭高烧映瑣窗。婉轉歌聲雲自駐。

悠揚。拚醉佳人錦瑟傷。新月照空廊。仰視明河更漏長。萬事閒中堪一笑。何妨脫帽呼盧老更狂。

滿庭芳 中秋

細雨纔收。浮雲乍斂。西風捲霧初晴。香飄桂子。秋草滿閒庭。入夜冰輪當午。小樓外碧巘縱橫。微茫裏萬家燈火。樹色暝烟平。 攆瑜紛舞袖。紅牙按拍。小婦鳴箏。任玉繩低轉。客醉沾纓。十載東華舊夢。回首處心悸神驚。趁佳節空明如洗。坐待月華生。

望江南 秋夜小飲

秋色好。檐外晚涼天。奕罷一樽携翠袖。綠窗織手弄冰絃。二八正韶年。秋色好。莫問夜何其。風月蹉跎人老大。十年心事鷺鷗知。燈炮酒闌時。

永遇樂 九日

籬菊凝霜。井梧零露。雁飛平楚。何處秋聲。小庭淅瀝。無奈情千縷。登高送目。手把茱萸。生受澹烟疎雨。嘆良時幾年虛度。總付東華塵土。古今得失。人生聚散。渾似落英無數。戲馬臺空。龍山帽冷。風月還如許。閒拋書帙。笑引清樽。看取綠窗眉嫵。莫更使愁蜂怨蝶。香寒別浦。

前調戲擬催粧

簾閣香溫藍田烟暖小春時節河鼓初臨天孫將
渡鵲報人間匹鳳臺許跨鸞膠重續自笑溫郎非
昔對冰清人慚叔寶爭道門闌氣色鴛鴦翼竝
芙蓉繡隱珍重定情佳夕庶下齊眉五噫成咏舉
案傳先澤鹿車共載丹厓偕老歲歲歡如今日好
倩語新妝早試遠山黛碧

絳都春

上幸真定恭賦

霓旌羽葆看玉勒飛塵翠華臨早雨灑郊原風靜
天街開馳道紅雲晝護龍旂曉黃衣是聖人年

少萬家環擁千官拜舞共瞻奇表非小名城
三輔人何幸得覩天顏微笑獵罷長楊月色甲
光寒相照殘星夜角營門悄恩浩蕩村墟無擾雪
中黃竹歌成爭傳睿藻

江城子書屋新成

蕉林新館舊槐風日初紅上簾櫳
琴几藜牀窈窕綠窗中
曲曲欄干花徑小誰是主有盧鴻樓頭
虛敞月溶溶淡烟籠遠山峯
客至開樽隨分兩三鍾
恩賜閒居容懶漫身外事在天公

漁家傲閒居

朝霽窺窗三徑曉。草堂晝靜聞啼鳥。插槿編籬隨
意好。雲自到。落英一任西風掃。啜茗攤書塵事
少。開殘黃菊寒催早。蟻戰蜂圍何日了。青門道。回
頭不滿山人笑。

滿庭芳

觀女伶演淮陰故事

絳燭清宵。彩雲華館。蠻腰細舞迴風。嬋娟忽變繡
襖。深猩紅鎖甲。豔分雪色。兜鍪小。雙頰芙蓉。瓊瑜
映將軍紅粉。錦繖黛眉同。登壇當日事。衣冠優
孟。寫出偏工。嘆英雄。佳麗一樣飄蓬。飛絮落花舊
恨。誰憐取。桃李春穠。乘月夜。衣香人面。莫放酒杯

空

望海潮

鎮陽懷古

雄風河朔。燕南都會。名城古說中山。帶遶滹沱。屏
開恒嶽。連營劍倚青天。主父故宮閒。霸圖嘆灰劫。
鹿走邯鄲。璧返相如。墳高頗牧。總荒烟。軍聲成
德當年。有北潭舞榭。趙苑歌絃。菡萏送香。菰菱映
水。秋來依舊爭妍。衰草冷平原。信陵立功後。結客
空傳。戰壘烏啼。笛吹關戍夕陽寒。

清平樂

西村

塲空禾黍。終歲田家苦。脫却朝衣耕瘠土。閒逐樵

歌漁鼓。溪翁提挈兒孫。騎驢買醉前村。野外人
家如畫。柴扉燈火黃昏。

柳初新 冬詞

晴簷飛雪。簾櫳護翠。被篆添香。縷海棠。睡足臉潮
微暈。釵落鬟橫。斜霧紅上。瑣窗如許。惱侍兒催人
匆遽。纖手牽郎且住。怯朝寒。枕傍低語。眉心頻
蹙。楚腰半解。不盡怨雲愁雨。欲起又同。偎倚最難
聽鸚哥聲絮。

浪淘沙 詞

日影舊窗紗。晝靜藏鴉。東風謹護牡丹芽。珠箔深

深垂綺戶。便是兒家。嬌小鬢雲斜。暗度韶華。春
愁不減臉邊霞。繡得雙鴛新畫譜。竝蒂荷花。

一剪梅 同前

宛宛水輪上。畫樓聽罷更籌。薰罷余稠。畫眉人是
舊風流。對面溫柔。背面嬌羞。雙結燈花兩意投。
一晌低頭。半晌迴眸。玉猊烟冷。睡還休。倚了香篝。
褪了蓮勾。

訴衷情 詠蓮

猩紅弓樣試風流。貼地軟香浮。凌波巧籠纖笋。錦
幄倍清幽。蓮折瓣。月微鈎。玉溫柔。苔痕池上。泥

印花間塵跡樓頭

滿庭芳

寄酬申鳧盟次原韵

河朔才名傳家忠孝。詞場共美陰何。故人紈扇贈
我惠風多。別後停雲一載。遙山蠹馬。服鬼峩燭花
剪。西窗雞黍。悵望阻滹沱。荆扉嘗晝掩。老漁相
逐。雨笠烟蓑。任世情翻覆。袞袞頽波。懸想洛醪已
熟。高臥處對酒當歌。擬他日滄浪携手。長嘯踏青
蘿。

霜葉飛

冬日寄懷杜子靜

小齋寒冽。疎燈燼故人夢。牽梁月。貧交管鮑等輕

塵。嘆世情非昔。極望裏五雲清切。雙魚頻寄田間
客。看今古茫茫。問誰是市中屠狗。西州豪傑。猶
憶祖帳青門。河梁抗手。不數陽關三疊。歸來松菊
未荒蕪。已自甘鳩拙。霸陵老豈因人熟。當年對酒
燕山雪。悵離羣回首處。碣石風高。滹沱水結。

望江南

蕉林

風習習。小院午陰稠。鴉帶斜陽清影亂。夢回疎簾
碧烟浮。疑坐晚山秋。

前調

春晝永。爛熳賞花時。風動紫英雙蝶繞。香凝翠幄

早鶯知人立夕陽遲

前調

桐初引清露綴枝斜。黃鳥啼殘窺畫檻。玉蟾影轉上紗窗。偏稱一闌花。

前調

秋滿閣。躡屐望遙空。趙苑烟花城闕柳。玉屏山色佛樓鐘。半在月明中。

前調

朝捲幔。紅日照前楹。窗色弄晴來燕子。檐花飛片落棋枰。竹裏沸泉聲。

前調

雲漠漠。怪石碧苔斑。長揖顛來同海岳。解醒貴不數平泉。秋入小湖山。

前調

羅浮夢。寒夜醉春杯。高士雪中疎影瘦。美人月下暗香來。東閣幾枝開。

前調

齋似舫。窗外雨瀟瀟。彷彿櫂移湘水曲。溟濛客渡洞庭潮。一半在芭蕉。

錦纏道 初度

水雪柴門寂寞歲寒時候。跳雙丸懸弧今又風塵。
瀕洞人非舊。剩得閒身浪逐烟波叟。嘆種種顛
毛不堪回首。春釀熟好烹羔剪韭。佳人翠袖殷勤。
且主盟花月。漫說經綸手。

玉燭新 巳酉元日

雪晴開曙早。看徧布王正條風拂曉。輕烟麗日椒
觴煖。共說豐年佳兆。春衣兒女喜得歲樽前頻繞。
山中臥擊壤清時。追隨牧童村老。回思當日
先皇。正頒賜天厨雲和縹緲。大酺同慶。陪鴛鷺每
近。龍顏歡笑。孤臣無狀。此際包容非小。今何幸

放逐滄浪尚安覆幬

東風齊着力 立春

郊外青幡盤中生菜。人樂時康。惠風布滿。春水瀉
橫塘。競戲魚龍角觝。朱樓上小婦笙簧。映釵色剪
花綵。燕香裊羅裳。莫問鬢邊霜。百年內能消幾
個歡場。黛眉巧畫。半醉倚銀缸。肯負籤聲燭影。酬
良夜細與平章。喜公道不分冷煖。惟有東皇。

水調歌頭 寄懷王敬哉先生

椒酒催殘臘。綵勝鬪新妍。回首青門分袂。離別再
經年。遙想柳堂深處。春夕燒燈嘉會。酬和白雲篇。

記憶山中客。頻爲寄魚箋。香一縷。書數卷。只高
眠。當時忝竊師門同學。又同官。君近九重天上。
我在北潭池畔。相望各風烟。何日重携手。身健且
加餐。

燭影搖紅 十四夜

綺戶寒輕。千門不閉。樓臺晚。麗譙吹歇。罷蕤。九
陌香塵滿。何處簫聲近。遠試華燈。春風庭院。閒身
天許。遊冶場中。畱連歌管。暗想當年。團圓兒女。
清宵宴。翠眉低唱。漏聲沉。絳燭西窗。剪此夕人移。
物換頻搔首。霜侵髻短。月明依舊。火樹光搖。星

烟暖

綺羅香 十六夜

曉雪纔晴。華燈再耀。粧點春城如畫。一刻千金。欲
買良宵無價。曲闌倚檀口。瑤笙六街。騁玉鞭。驕馬
氣氤氳。飛霞雕簷。銀花釵色。光相射。繡窗眉嫵
試看。似昔年京兆。風流重話。焰吐芙蕖。處處酒旗
歌榭。橋邊女笑。倩人扶。笛裏梅落。來堪把。拋紅豆
誰結同心。趁蟾蜍漸下。

小重山 清明

春水溶溶寒食天。王孫芳草綠。上風鳶。深閨簾幕

玉鈎閒人何在。一半傷鞦韆。堤外打榆錢。酒旗頻駐馬。杏花烟鶯聲。嚙出畫樓前。牢記取。年少有金丸。

玉女搖僊佩。暮春東郊泛舟。

長堤柳影綠滿東郊。十里芳湖如鏡。舉網烹鮮。行厨載酒。重續當年佳興。風月誰偏領。况主人情重。肯虛妍景。早尋取青鞵布襪。正是姚黃魏紫相映。無奈遇知心。嬌小情癡。勾人酪酏。憑仗蘭橈。畫槳簫鼓中流。激灩素波千頃。韋曲勝遊。旗亭嘉會。今古風流堪竝。城角樓烟暝。怎消得杜牧疎狂心。

性。趁落日仙舟容與。佳人拾翠春將去也。君須省。好畱待夜珠光迸。

玉蝴蝶 棠村看牡丹

報道西村花發。春風一夕香滿。疎闌載酒携笙。亭畔淡淡雲烟。弄輕陰。新篁院宇。翻翠浪。綠野平田。草芊綿。花名傾國。蛺蝶踟躕。畱連芳郊。細馬紅粧。垂袖一笑。嫣然銀甲調箏。幾多心事。入眉彎。豈相逢。琵琶江上。渾不讓棋墅東山。耐人看。斜陽松影。倦鳥知還。

鳳凰臺上憶吹簫 憶遠

絲裊垂楊。烟迷芳草。携樽猶是春遊。憶去年此日。花徑風柔。喜得嬌姝相伴。移小步。泥印蓮勾。吹笙罷。纖腰倚樹。一笑回眸。難畱彩雲忽散。人一去。新來冷落歌喉。奈關河迢遞。燕語空樓。唯有孤村。殘照畫橋畔。野水東流。停杯處。憑闌望遠。白了人頭。

浣溪沙 春閨

深院鞦韆繡帶輕。衣沾香汗玉釵橫。最憐節氣近清明。怕見落英春欲暮。倦開翠幌夢頻驚。碧桃花下戲調鶯。

夏初臨 初夏

蔽日初槐。啼花嬌鳥。疎籬漸長新篁。永晝人閒。薰爐細細焚香。謾誇世路名場。遠風波。碧簟清涼。蝶鬚墜粉。魚吹蘋末。鶯弄笙簧。好書堪把。苦茗頻斟。湘簾半捲。燕子飛忙。香閨雙陸。倦來午夢偏長。小立斜陽。映紗厨笑看殘粧。耐平章。無邊風月。自在年光。

減字木蘭花 齋中微雨

綠窗纔啓。雨過苔青。階似洗。咫尺烟霞。風動朱闌。芍藥花。夢回如醉。人語驚殘。鸚鵡睡。三徑誰開。

籬外多應二仲來

醉花陰

臨濟村賞薔薇

臨水柴門槐影護。只合幽人住。籬落帶斜陽。一架薔薇習習香風度。綠陰碧蘚開樽處。客醉忘歸去。遠樹杜鵑啼。溪靜林深疑是江南路。

雨中花

聽雨

百尺樓中香一縷。夢乍醒。莊生栩栩。棲半畝烟雲。幾竿修竹。咫尺瀟湘浦。跌坐垂簾。渾不語。聽淅瀝落英無數。怪風裊孤燈。涼生衫袖。多是芭蕉雨。

滿江紅

夏日江南陸悔若過訪畱飲

小隱柴荆。有嘉客。遠尋茅屋。侵屐齒。檻橫浮翠。砌添新綠。帝里舊遊蝴蝶夢。田間今和漁樵曲。幾年來。世事嘆浮雲。多翻覆。槐風起。涼生粟。雷雨過。花如沐。且論文。把酒更開棋局。此夕莫愁銀箭急。明朝又向紅塵逐。問東籬。菊綻可重來。村醪熟。

漁家傲

雨後

小雨纔收風謾謾。修篁交響闌干曲。澄湛一泓鷗鷺浴。酣睡足。鳥啼疑傍山家宿。蕭洒閒階桐覆屋。花開花落無拘束。門外任他車馬簇。人新沐。鬢雲低映窗紗綠。

念奴嬌 夏夜

涼侵疎簾。看星河漸轉，頻催城柝。百合香勻新浴，
罷月照殘粧。綽約純扇初停。冰肌無汗，重試羅衫，
薄花陰携手。一枝輕鬢釵落。聞道世態浮雲長，
安棋局俯仰成。今昨人在瑤臺清露下，消受藤牀，
珠箔橫笛高樓。鳴蟬滿樹塵事，渾拋却。西風轉眼，
又驚吹到簾閣。

踏莎行

西郊觀荷

高柳蟬聲遠。山霽色田田。菱葉呈秋碧。陂塘咫尺，
隔紅塵。荷香不傷紅塵客。露綴蒲桃。風行几席。

稻花開處黃雲結。漁村荻浦是吾家。十年噩夢同君說。

菩薩蠻

花間雙蝶

人間清晝拋書立。綠陰深處蟬聲急。一樹紫薇開，
翩翩引蝶來。籬邊相逐舞。摹作滕王譜。槐老入新秋。
西風蝶也愁。

滿庭芳

立秋

茆屋三間。槐庭一葉。金風乍入繩牀。年年此際，涼
思滿奚囊。廿載黃梁夢境。一撒手轉眼荒唐。閒消
受幽花文蝶。秋水玉簪香。商量喜計日東籬。綻

蕊紫蠓迎霜。問誰家新醪早熟先嘗。萬事休教掛齒。驚魂魄利鎖名韉。登高處遠山蕭颯。孤雁度斜陽。

如夢令 家弟送蝶至

蝴蝶東家交映。捉送蕉林三徑。驚醒老莊周。來弄碧陰晴景。偏勝偏勝。點綴竹籬秋影。

滿江紅

題村漁樂圖

用呂居仁韻

萬柳藏村。人家住白鷗溪曲。但編籬插槿。結茆爲屋。門外淺汀清似練。窗前抱膝人如玉。雨纔收。蕩漾兩三舟。衝波綠。堪對酒。陶潛菊。宜嘯咏。王猷。

竹美漁翁婦子。何榮何辱。畫閣朱門。彫謝了浮家泛宅。隨時足。只一竿明月。不須錢。烹魚熟。

桂枝香 中秋

西風簾幙。看花影移階。蕉陰綽約。三五良宵正永。小羅杯酌。三年幸訂漁樵侶。伴閒雲輕鷗孤鶴。鹿門夫婦。竹溪賓友。柴桑籬落。任清露涼侵袂薄。對扶疎叢桂。此景非惡。漸斂浮雲。夜半月臨虛閣。庾樓人坐水壺裏。欲乘鸞飛向寥廓。且拚盡醉。休論塵世。受他羈縛。

金縷曲 九日

風雨開茅屋。報昨夜東籬。纔放一枝黃菊。再度重陽。柴桑里。過酒鄰牆。非俗好。受享燈青樽綠。身健喜逢佳客至。把茱萸。仔細看何足。貪漏永。剪樺燭。高樓已縱登臨目。最關情。遙峯疊翠。澄溪拖玉。老去悲秋。蕭蕭髮。魂夢偏宜鄉曲。况幾陣霜鴻南逐。天上故人頻勸駕。奈山中猿鶴。憐幽獨。誰更解清閒福。

念奴嬌

贈魏蓮陸年兄并祝初度

紙窗茆屋。有先生抱膝。小門迴折。荒徑全縈書帶。草牀上。凝塵滿席。五馬歸來。三間高臥。獨耐袁安。

雪蕭然環堵。猪肝肯使輕說。聞道初度佳辰。牆頭過酒。剪燭招狂客。萬事何如。杯在手。莫問新來華髮。栗里琴樽。龐公夫婦。歲歲娛泉石。故人寒邸。夢畱齋畔。涼月。

玉漏遲

閨思

篆烟消錦幄。愁中又聽漏聲催早。卸罷殘粧。繡被暗生寒峭。想像前宵好夢。剩瘦影。蘭缸相照。燈暈小。雁鴻報到。歸人猶杳。消息試探梅花。待漏洩春光。可同歡笑。欹枕釵橫。畫樓幾番慵眺。一紙音書寄語。問白髮。近添多少。奩鏡悄。眉峯爲誰頻掃。

滿江紅高司寇名飲園亭賦謝

司寇風流歸來築柳塘花屋簾半捲西山烟靄北
堂絲竹洛下耆英年齒會翠眉佢唱顏如玉論人
間底事最關情芳樽綠敦交誼羞流俗憐旅客
忘榮辱醉良宵燈火舉觴相屬已下青衫司馬淚
寧堪重顧周郎曲願同君携手混漁樵何僕僕

憶秦娥上谷懷古

濤聲咽蕭蕭亭照金臺月金臺月千年易水為誰
寒熱狗屠燕市風流絕荒田督亢飛殘雪飛殘
雪悲風落日古今銷歇

慶春澤觀雪

曉幕飛花同雲做冷開簾舞雪紛紛手把殘書寒
烟晝閉閒門茅堂高士猶僵臥有幾人驢背孤村
想朱樓綠鬢相偎笑引芳樽當時氣暖蘭缸夜
儘溫柔鄉裏私語殷勤憔悴今宵旅燈伴我黃昏
雁鴻屢爽刀頭約問腰肢又減三分擁香衾欲訴
襟華誰與溫存

千秋歲引除夕

客舍東風高城夜角燈火千家閉樓閣誰將物華
粧點就偏遺旅况寒如昨頌椒篇屠蘇酒成差錯

聞說笙歌歸院落。聞說畫堂垂繡幕。爆竹聲聲
總蕭索。浮踪滯留殘臘後。音書悔訂春前約。夢兒
中枕兒上。休忘却。

應天長

元日

彩雲曉陌。紅燭畫樓。春風旅中偷度。椒帖桃符。一
樣晴光遍朱戶。香焚後。簾捲處。屢極目。小橋歸路。
遇佳節。素髮蕭然。恁般情緒。歲酒讓誰舉。無限
韶華。忙裏暗來去。芳草又生。惆悵王孫自朝暮。人
何遠。情半悞。彷彿憶去年新句。問今日故里陽春。
可還如許。

魚遊春水

立春

東風開曉市。晴照金臺雲氣紫。春來天上。巷陌漸
薰羅綺。玉燭長調。禁苑中。錦鞵爭試。香塵裏。吹
笛一聲。畫樓獨倚。三輔名城高起。又見鬢邊新
燕子。青幡兼遇燈宵。韶光信美。閨人劃損釵頭。願
羈客愁。傾樽內。蟻歸夢如醒。流年似水。

花心動

元夜

上谷風和。夜溶溶。香車六街闐咽。燈火朱樓。絃管
清樽共賞。太平佳節。誰家少婦。簾櫳裏。喧笑語。綺
羅輕揭。客懷亂。敝裘獨擁。小門殘雪。閒把年時

細說儘玉漏聲沉。鳳簫吹歇。樺燭春闈。眉嫵紗窗。
蘭麝繡幃。頻爇無端。辜負鴛鴦夢。郎山畔。冷衾如
鐵。酒醒處。星橋淡烟斜月。

滿庭芳

再疊前韵答申鳧盟

三載傷離。一丘甘老。名山近業如何。孤臣再錄。慚
負主恩多。忽爾驚心投杼。空翹首。雙闕峩峩。春
將半。浮踪久滯。鄉夢遶滹沱。良朋重念我。齊紈
麗句。來自烟蓑。奈縈眸家岫。行矣風波。舊日酒盞
客散。燕市裏。曾否悲歌。關情處。伊人宛在。殘月滿
青蘿。

帝臺春

春懷

晴日炙。雪初消。池水碧。遊鯉負冰。好鳥窺人。閒愁
增劇。追憶年時。香閣裏。携手看故山。春色奈而今。
惱亂東風。偏吹孤客。春猶昔。渾暗擲。人咫尺。何
從覓。嘆陌上青青。又生芳草。薄暮綠烟如織。湖海
氣難一旦減。兒女淚已千行滴。漸近了。花朝。怕重
提寒食。

越溪春

高司寇召飲演秣陵春新劇

二月鶯啼風日麗。蔣徑暫開局。主人情重。傾杯爭
剪燭。花奏出新聲。太史填詞。秣陵春色。司寇園亭。

風流雙影分明。搬演小秦青。麗譙三點四點漏
滴。華堂斗轉參橫。多難一身行樂地。俯仰欲沾纓。

謝池春 花朝

趙苑烟霏青入春山如畫。嘆無端釣綸收罷。輕寒
輕暖看晴郊車馬。那堪酬好天良夜。朱門綺戶
處處鞦韆高掛。鬪新粧東風簾下。花朝孤邸怕酒
闌燈灺。何時向成都占卦。

生查子 春閨

河梁別妾時。落葉紛庭榭。春艸已芊芊。不見嘶驄
馬。鸚鵡未知愁。絮語將人罵。小步怨東風。掩淚

秋千下

蕙蘭芳引

高司寇春夜召飲出伎佐酒

小圃煖風飄衣袂。水仙香馥。開讌出紅粧。燈碧正
宜黛綠。客懷無賴。頻淚墮。相思新曲。任麗譙漏歇。
永夕淹留絲竹。北海樽罍。東山聲伎。此日堪續。
喜雙袖殷勤。消遣離愁萬斛。狂言驚座。誰憐杜牧。
空耐他孤枕。夢回殘燭。

滿庭芳 城南泛舟

城繞春流。堤藏蕭寺。人家半倚晴溪。輕風暖日。布
穀數聲啼。一棹船如天上。關情處岸艸萋萋。空回

首故園柳色。烟景望中迷。依稀想此日清明近也。桃杏開時。嘆踪跡蹉跎。物換星移。舉網鮮鱗入手。開笑口。聊醉春卮。酒闌後。斜陽駐馬。目斷畫橋西。

憶王孫 春雨

寒烟暝色亂清樽。噤噤虛窗旅雁聞。暮角聲催斷客。竟一燈昏。細雨孤城盡閉門。

燕春臺

飲來青園故侍御劉君別墅也

碧艸孤村。青蘿三徑。輕陰早散樓臺。金谷繁華。而今半委蒿萊。名花侍御曾栽。嘆芳菲零落。雛鶯空

轉。當年燕子。依舊飛來。躬耕別業。送酒旗亭。變遷轉眼。屏幄重開。冶遊挾彈。金鞭寶馬。頻催客醉。東園風迴翠袖。香入春醅。幾徘徊人去。松影亂鴉。滿城隈。

海棠春 夜雨

寂寥春院思千縷。陌上柳新黃。纔吐暝色入西樓。雁影沉南浦。黃昏燈火無情緒。遣夢到家山。猶阻惆悵打梨花。點點飛窗雨。

柳梢青 春日

小雨纔收。平沙細草綠滿西疇。柳眼青歸。桃腮紅

暈人倚高樓。家家繡幕簾鉤。春不管斜陽旅愁。羅綺風前。鞦韆影裏。馬上牆頭。

少年遊同前

啼鶯恰恰到窗紗。幾縷曉烟斜。此日春城。漢宮傳蠟。散入五侯家。三分春色愁中度。一半在梨花。腸斷黃昏。酒醒殘月。門外卽天涯。

眼兒媚春晝

日射晴窗靜無譁。風裊柳枝斜。有人深院。凝妝獨坐。門掩桃花。追思往日重回首。心事付啼鴉。隔牆笑語。却疑春色。只在鄰家。

雙雙燕感懷

蕭蕭易水。問何事春來。助人悽惻。蘋香柳嫩。妍景任教拋擲。聊話郎山雨夕。又夢繞潭園烟色。紛紜身世多般。已見雁飛南北。誰遣頭鬚頓白。怕縱有春風也難消得。壯懷無奈。說甚肝腸鐵石。况聽高樓弄笛。盼不到漁蓑消息。試看陌草青青。正是杜陵寒食。

浣溪沙春懷

郊外提壺藉草茵。桃花春漲水粼粼。暖風吹散隔溪雲。柳色暗催羈客淚。鶯聲愁煞畫樓人。兩般

心事總沾巾

錦堂春

閨情

遶砌試探芳信。捲簾放出香烟。小樓幾陣廉纖雨。寒食杏花天。鸞鏡羞窺瘦影。鴛衾愁裏春眠。呢喃喚醒深閨夢。雙燕到堂前。

山花子

春愁

謾道春風不世情。愁中吹上鬢邊星。歸雁帶來雲外恨。斷腸聲。日暖平蕪晴牧馬。月明綺閣夜調笙。無限韶光多少淚。共誰評。

更漏子

夢寤

夜兒長。風兒細。吹入孤眠春思。青鏡畔。玉樓中。枕函有路通。橫空雁。黃昏雨。夢裏不知客苦。情脉脉。意遲遲。迷離乍醒時。

水調歌頭

春夜却雪游侍御自都門還過

把袂東風裏。斜日駐青驄。携來天上春色。慰我客途窮。夜話舊遊燕市。惆悵河山已邈。聚散酒罇中。抵掌論今古。塵世幾英雄。剪銀燭。歌白雪。調誰同。憐君國士。十載蓑笠尚飄蓬。猶是當年河朔。慷慨風流未墜。領袖有諸公。且共樽前醉。心事托飛鴻。

訴衷情 憶家

綠楊影裏子規啼。催得鬢絲絲。撩人暮春天氣，畫閣晚粧時。新柳困，遠山低。思依依。五更細雨，半夜歸鴻，一片花飛。

蘇幙遮 寒食 第二體

杏花烟。榆莢雨。綠映平橋。又見春如許。油壁車輕。寒食路。細草芳樽。邀取春光駐。轉鶯樓。歸雁浦。柳外梨梢。愁煞長亭暮。天意也知離別苦。片片輕雲。遮斷人行處。

繡帶子 閒意

春色耐繁華。車憶碾晴沙。吹皺小橋池面。楊柳逐風斜。塵世幾回嗟。齊分付夜雨梨花。東家蝴蝶。却因何事。飛過西家。

錦帳春 春莫

柳色搖金。鶯聲如剪。誰打疊春光成片。落花風寒。食雨想海棠睡。晚重簾深院。何限離情。這般消遣。收拾去韶華一半。語東君。畱暮景。把芳菲莫捲。人歸非遠。

好事近 歸途

艸短馬蹄輕。亂踏落紅歸去。遙指杏花村裏。問酒

家何處。一溪春水浸春雲。猶是來時路。閨月東風未老。天亦憐遲暮。

行香子

春日過中山雪海侍御留宿唐城

古道斜曛。野水孤村。暫停驂。頻叩柴門。故人相勞。握手開樽。看三眠柳。千畝稻。一川雲。抵掌高論。酒罷燈昏。問乾坤得失誰分。塵纓堪濯。荒徑猶存。是柴桑里。隆中宅。武陵津。

百字謠

壽孫北海先生

聖朝遺老。擁琴樽。圖史婆娑。清晝傳得關閩當日。學獨把殘編窮究。道在斯人。晴窗高臥。閒却經綸。

手一庭風雪。喜當介眉時候。繞膝綵袖重重。持觴共祝。宰相山中久。謝客著書多歲。月小閣藤深。松茂鶴髮丹顏。憑烟雲好。供養容如舊。春風盈坐。笑看車馬馳驟。

春從天上來

壽蔡魁吾中丞

綺戶祥烟。正身退功成。部曲蕭閒。豫章旌節。淮海歌絃。手持半壁江天。問先生何事。人未老。偃仰平泉。樂清時。羨賓朋北海。絲竹東山。松徑藥欄。楚聽瀑布潺湲。映帶奇巒。花舞毬場。雲凝金埒。侯鯖法醞。開筵戲斑衣。進酒列祭。戟七葉貂蟬。醉醄

顏。食。梨。舊。事。辟。穀。當。年。

沁園春

壽袁六完都諫

列戟門庭。伏蒲夙望。帝里優游。正介眉嘉日。頻開
笑口。浮觴僊醞。宛轉歌喉。暫輟趨朝。從容散帙。且
目忘機。狎野鷗。盱衡處。把經綸事業。靜裏蒐求。
昇平樂事。清幽好共。倒金樽。秉燭遊。就霏霏窗雪。
時焚諫草。溶溶卿月。近傍瓊樓。弟擁旌旄。兄依梧
影。輝映中朝。孰與儔。春無恙。集南皮賓客。譚讌風
流。

憶舊遊

雪中感懷

想秋原衰柳。細雨瀟瀟。魂斷河梁。日月曾無幾。早
寒風朔雪。吹到茆堂。孤踪久辭雙闕。誰識舊劉郎。
幸同好猶存。悲歌對酒共說。先皇。草草思前
事。嘆物換時移。空費推詳。問菊松三徑。奈暮雲縹
緲。難認柴桑。梅香漏洩春信。歸夢繞橫塘。聽何處
高樓一聲玉笛。淚千行。

醉春風

除夕

春色渾如昨。昨燒燭。聞宵柝。追思往事總成塵。錯錯
錯。出岫閒雲。忘機鷗鳥。那堪耽閣。三載甘蕭索。
又被浮名縛。重來人事一番新。薄薄薄。爆竹聲中。

屠蘇杯底且同斟酌

御街行元日

天門駘蕩晨光麗。扇影裏爐烟細。衣冠萬國擁仙
班。共拜冲年天子。田間野老。重瞻雙闕。幾灑孤
臣淚。長安誰道浮雲蔽。看咫尺龍顏霽。不才
未有治安書。但祝時康風美。九重露掌。千家蓬戶
都布陽和氣。

大聖樂

春閨

奩鏡初開。流蘇乍暖。啓窗猶爽。引螺黛巧畫雙眉。
寶鴨頻添香篆。裊裊輕烟。纔換春衫。慵出手向梅

萼凝粧子。細看繡簾日永。鶯花無賴。珍重芳年。
東風又到芳草。漸柳色依依。駐錦鞦語。金閨夫婿。
椒酒綵勝。莫負清歡。世事何憑。韶華易去。一辦販
依大士前人無恙。祝天長地久。被底文鴛。

春雲怨

閨怨

疎燈薄暮。又一聲歸雁。飛來平楚。門掩東風塵生。
寶篋流年。驚暗度。綵線慵拈。燭花頻剪。舊怨新愁
漫空數。卓氏孤吟。班姬團扇。無奈情耽悞。王孫
玉勒。知何處。把三生誓約。翻雲覆雨去矣。朱顏漸
非故。零亂飛蓬。惱煞窗前鶯啼。春樹夢罷。關山酒

醒殘月極目淒涼南浦

臨江仙 初春

花市歌樓簾半捲。六街酒碧燈紅。家家行樂醉春風。五陵年少。何處繫遊驄。小婦新粧蟬翼巧。那知愁上眉峯。垂垂柳色夕陽中。陌頭驚見。悔却覓侯封。

蝶戀花

宋荔裳觀察招飲觀劇次阮亭韵

榆莢風清飄蜀纈。水漲銀塘。纔過清明節。絳蠟金樽歌未歇。柳花檻外飛如雪。舊事甘陵翻數閱。今昔關情。優孟真奇絕。絲管啁啾聲漸徹。魚龍波

底搖殘月

沁園春

咏美人足

錦束温香羅藏暖。玉行來欲仙。偶簾櫳小步。風吹倒褪。池塘淡竚。苔點輕彈。芳徑無聲。織塵不動。蕩漾湘裙月一彎。鞦韆罷。將跟兒慢拽。笑倚郎肩。登樓更怕春寒好。愛惜相偎。把握間。想嬌憨欲睡。重纏繡帶。蒙騰未起。半落紅蓮。笋印畱痕。凌波助態。款款低回密意。傳描新樣。似寒梅瘦影。掩映窗前。

萬年歡 元宵

宋詞

三十一

午夜晴烟早六街燈火交侵明月春樹人家遙傷
帝城雙闕迤邐鈿車成列驪羅袖膚光欺雪春山
澹止水盈盈笑看簾幙風揭清絲淒切樓頭少
婦鳴箏坐幽恨難說白馬金鞭知向誰行遊歇舞
榭酒闌燭滅侯門閉內筵重設空竚望薄倖歸來
深闈眉翠雙結

醉鄉春 十六夜

院院燒燈何早重把金樽傾倒桂闕影一分虧碧
海青天人老紅袖橋邊微笑點綴春風多少銀
花合玉珂鳴歌樓萬點星球小

點櫻桃 閨情

春困恹恹斜風細雨寒吹閣銀屏珠箔苦把花枝
縛虛倚薰籠舊事思量著情差錯海棠零落對
下秋千索

巫山一段雲 春宵

簫局微溫候篝燈乍剪時端相帶笑又佯推欲睡
故遲遲銀蒜垂簾悄金釵落枕欹淡紅袖袂映
唇脂低問小名兒

杏花天 花朝過金魚池

鶯聲曲岸輕陰乍春水漲城南臺榭誰家高結秋

千架人在賣花簾下。踏青鞦韆舊遊重。話記挾彈芳原試馬。杏花小雨西村社。放了東風寬假。

金鳳鈎燕來

忽聞燕來何處。向樹底雙雙小語。一春消息。故人情重不爽佳期。唯汝自憐。每被多情誤。頻勸取不須飛去。絮泥啣得。為誰辛苦。空傷人家門戶。

望江南鄉思

清明候。細雨曉風和。樹裏青帘春醞美。水邊紅袖麗人多。處處醉顏酡。

前調

家山好。春色滿平蕪。花片參差裘馬客。柳絲搖曳水雲圖。遠浦立鶉鴣。

前調

東郊外。煖日水粼粼。一路杏花尋幕燕。幾行楊柳渡溪人。沙細碾車輪。

前調

踏青去。遙指綠陰村。斜裊金鞭晴試馬。高燒銀燭夜開樽。芳草滯王孫。

前調

西村裏。森森水拖藍。一縷墟烟青似織。數峯嵐色

碧於簪。可喚小江南。

前調

尤堪憶。歌舞向朱樓。小玉多情金縷曲。雪兒帶笑錦纏頭。長使彩雲留。

前調

清懽夜。偷眼認檀郎。錦瑟偎燈腸斷句。青絲墮馬內家粧。私語口脂香。

前調

休虛度。寒食草青青。荇葉橋邊沽酒路。秋千影裏賣花聲。金彈打流鶯。

前調

桃花水。相約放船來。菱葉田田鮮鯉出。槐風剪剪小舟開。送酒百壺催。

前調

燈兒剪。雜坐漏偏遲。欲寫烏絲嗔燕子。將輸楸局倩鴉兒。薌澤乍聞時。

南鄉子

春暮

深院雨廉纖。燕子飛來故傷檐。清晝困人無氣力。酣酣淺暈腮痕印枕函。新樣剪輕衫。獨坐凝粧倚鏡奩。聞道春風將暮也。厭厭開盡桃花不捲簾。

減字木蘭花

馮庄看海棠

垂楊別館。蠹蠹高樓當翠嚙。草綠閒階。蛺蝶尋芳
自往來。主人何處。客醉金卮愁日暮。燕入誰家。
落盡東風第一花。

歸自謠

惜春

春夢詔。零落亂紅。花賣罷。遊絲飛絮。春歸乍。欲
畱無計。眉慵畫。簾鈎亞。鶯兒苦把東風罵。

如夢令

卽事

翡翠衾寒。拖逗惱煞。雞聲偏驟。帶得御香歸。猶喜
曉粧纔就。生受生受。正是畫眉時候。

憶秦娥

茉莉

香風颺。黃昏院落。落花初放。花初放。銀燈試照。別來
無恙。美人奩鏡。偏宜傍。珠簪金絡。增新樣。增新
樣。珊瑚枕畔。綠雲髮上。

垂楊碧

新浴

人新沐。波濺一枝寒玉。半著輕羅香馥馥。妝殘重
結束。桃簟涼生。繡褥小立。漏聲偏速。換繡鞋兒
剛一剎。奈何郎又促。

青玉案

重陽

帝城九日晴。偏好。嘆秋水蘆花老。送目登樓雲浩

渺疎林烟靄夕陽宮闕數點蒼山小
經年車馬東華道節序匆匆塞霜早
遙憶東籬花綻了新醪纔熟茱萸同插
一個人兒少

滿江紅

壽王敬哉宗伯

洛下樽開美龍馬精神奕奕稱觴處
西山佳氣南皮詞客曳履容臺興禮樂
拂衣棋墅娛泉石傷晴窗紈素畫滄洲
烟雲碧斟法醞鷺笙炙紛舞袖烏衣集
正小春時節肯教虛擲鳳羽朝回頻問
寢蠅頭花底閒濡筆論長安福壽更誰
同君無匹

喜遷鶯

壽龔芝麓宗伯

堂羅絲竹正葭琯飛灰春回寒谷江左風流
東京部黨共識當年耆宿執法風生臺閣
借箸禁中頗牧烽火靜向南宮曳履望高
鈞軸蒿日憂國處兩髻絲絲欲救蒼生哭
對客抽毫張燈擊鉢不數詞場潘陸歷盡
險巇身健嘉日莫辭醞醪趨朝罷領鳳城
烟月清宵顧曲

賀新郎

元夜

用曹顧菴學士韵

十里珠簾卷徧燒燈暗塵隨馬鈿車齊遣
縹緲簫聲明月下更喜露華初泫寒猶峭
春衣重繭花市歌樓牙拍按正御溝水泮
流漸淺火樹台星橋展

晚妝纔試芙蓉顯。倚銀屏歸人未卜。金釵劃扁門外錦鞦。何處客頻囑繫鈴小犬。尋好夢香衾權免。午夜大酺人競醉。罷嚴城魚鑰金吾典。聽玉漏東風剪。

前調

蛟門納姬仍用前韵

錦幄紅霞卷。賦催粧鵲橋已駕。青鸞先遣才子廣陵年尚少。下直墨華猶泫。奩鏡伴烏絲蠶繭。携得御爐香滿袖。正天孫初渡銀河淺。京兆筆晴窗展。遠山肯使眉痕顯。倦支頤流蘇低亞。筠籠微扇。吹罷鳳簫閒對奕。亂局須憑獬犬。吟蟋蟀西堂愁。

免欲博琴臺人一笑。解鷄裘好向壚頭典。蓮漏永蘭缸剪。

菩薩蠻

春閨

亂鴉啼處春風曉。流蘇香暖金鈎小。晴影入窗紗。街頭賣杏花。鴛鴦初睡足。偏墮雲鬟綠。拂鏡試新粧。低回問粉郎。

前調

題畫扇

板橋流水湖山靚。桃花人面紅相映。喚婢採芳蘭。粧成小步看。苔侵羅襪濕。愛向春風立。莫問落花香。當年悞阮郎。

前調 春雨

家山漠漠思千縷。杏花零落廉纖雨。燕語恨春歸。河橋柳絮飛。遊驄何處駐。野水棠梨路。泥滑阻郊行。芳堤悞早鶯。

前調 暮春雨中十五弟歸里

可憐九十春光盡。南窗疎竹生新笋。榆莢雨蕭蕭。花寒夜寂寥。河橋垂柳折。柳絮飛如雪。茅店閉黃昏。孤燈何處村。

點絳脣 閨情

簾閣春溫。匆匆待漏緣何事。香餘翠被。不慣孤眠。

味。坐數殘更。窗外風兒細。鴉聲碎。寒侵半臂。悔嫁金閨婿。

前調 春霽

昨夜冥冥。開窗霽色簾櫳曉。海棠綻了。過雨紅偏好。橫笛高樓幾許人。嘖笑鶯聲老。落英多少。何處尋芳草。

前調 憶舊

簾押風柔。傷心往事斜陽裏。當年花底。芍藥闌同倚。依舊芳菲。歲月看流水。春殘矣。亂紅如綺。草綠人千里。

仄茉莉本意

正苦薰風早清芬細裊黃昏後覓枝尋葉翩翻夢
影引惹動閒庭蛺蝶摘來綴寶髻瑤釵盈盈暗添
笑靨花神有意巧批了風流牒新浴罷晚粧寧
帖斜簪綠鬟恰宜襯芙蓉頰伴鷓鷃枕上粉脂融
淡衆香國覓夢貼

減字木蘭花 立秋

西風暗換秋到碧梧金井畔人立斜曛望見家山
一片雲香閨病後小檻疎闌花影瘦蟋蟀聲催
似爲多情宋玉來

前調 偶憶

疎烟暮靄人在斜陽秋草外夢遶天涯知是當壚
第幾家舞裙歌扇猶憶遏雲花底讌楚客愁多
欲採芙蓉奈遠何

前調 雨後

秋葵帶露紅滿窗紗蟬滿樹不管閒愁倚杖浮雲
度畫樓雨絲風片消受新涼深小院蝶過誰家
閒煞牆頭夜合花

前調 又

風吹禾黍幾陣蕭蕭山市雨秋色三分讓與漁家

水竹村。蘚階獨立。萬戶聲催。雙杵急。柳外寒塘。
牛背歸來正夕陽。

鳳凰臺上憶吹簫

悼亡

用李清照韵

衣冷筠籠。塵封瑤瑟。頓教白了人頭。嘆鏡奩虛掩。
風動簾鉤。比翼生生世世。燈背處私語都休。燕臺
月新添憔悴。恰是中秋。休休。同林宿鳥。綠底事
分飛。一霎難留。剩寒檠獨照。露下粧樓。想像珊珊
環珮。頻悵望幾斷雙眸。空消受江淹有恨。宋玉多
愁。

蝶戀花

又

衣桁闌珊。菱鏡悄。風雨摧花。不許朱顏老。淺笑微
顰。風態杳。瑣窗猶自啼籠鳥。隻影羞人燈暗了。
長記鷓鴣錦。幄薰龍。兩點遠山誰更掃。沈郎一
夕腰圍小。

點絳脣

又

玉冷秦臺。鳳簫響絕閒蕭史。芙蓉落矣。璧月憐秋
水。誰與溫存。小閣香肩倚。孤眠裏。畫笳聲起。偏
到愁人耳。

燭影搖紅

又

舉案清娛。流蘇宛轉。低屏箔。薰香傳粉。絕纖塵。窗

几渾如昨。寂莫梧桐夜雨。何從覓金釵。鈿合記來朝罷。小立妝臺。看他梳掠。愁髻安仁。絲絲總爲情擔閣。竝頭菡萏。紅香一霎。西風惡。自古聰明薄命。男兒淚。英雄氣。索遣哀無計。此恨綿綿地長天濶。

念奴嬌 又

啼猿聲裏。正蕭疎一片霜天秋色。絃續鸞膠看兩兩。比翼連枝無別。洛浦珠沉。湘靈瑟冷。剩有寒螿啞。鍾情我輩。那堪蘭蕙重折。回首燈火春宵茗。爐佳夕。鴛枕偎猶熱。畱得零香餘粉在。種就柔腸。

千結爲問飛瓊。還歸天上。可憶來時節。蠶絲難盡。夢回簾外殘月。

滿江紅 又

造物如何遽收拾。鴛鴦牒早。把香天粉。并刮塵埋了。初擬鹿門同載去。那知更踏長安道。到如今。白首送青春。真顛倒。蜃市結風鬟。裊午夢。醒槐宮。杳想定情良夜。倚燈人小。紫蟹黃英難共醉。都堪摹作淒涼稿。對西風。獨立哭斜陽。閒花草。

菩薩蠻 又

玳梁當日棲雙燕。碧桃花下看人面。往事耐思量。

銀鐙照晚妝。寶鈿空瑟瑟。愁煞西堂客。腸斷只
三聲。長更與短更。

陽臺夢 又

深秋院落房櫳暮。倚闌細數經行處。濃香畫幔掛
珊瑚。鎖疎烟薄霧。空階風颭颭。吹散芳魂幾縷。
一簾燈火又昏鐘。疼煞黃花雨。

畫錦堂

送二兄

予告歸里

鴉亂斜陽。林吹寒籟。極目秋滿燕關。惆悵無端別
緒。又送兄還。去逐平沙孤雁影。何堪城闕菊花天。
君恩重。賜沐清時。風携兩袖歸田。離筵樽酒

外。驪唱裏。白雲遮斷家山。憶昔驚濤駭浪。共與回
旋。喜看新結漁樵侶。愧余猶滯鷺鷥班。頻回首。開
盡故園叢桂。金隱何年。

孤鸞

壬子除夕

禁城喧熱。正爆竹聲催。漏銅風咽。小閣孤燈。往事
向誰重說。春到何家庭院。助新愁。滿門冰雪。枉有
屠蘇歲酒。恨椒花頌絕。想五侯甲第。歡無歇。把
龍笛。鶯笙檀口吹徹。那管寒衾薄。有人兒。凄切。珊
珊玉珂初動。又趨朝曉。雞時節。試問來朝鏡裏。添
幾莖華髮。

洞庭春色

次韵酬吳江徐電發

獨步江東羣推孝穆志在千秋儘詞華潘陸恣情
採擷新聲秦柳匹意研求入洛才人追二俊遇傾
蓋公卿便駐騶吾衰矣看中原鞭弭輸與林丘
當年陳琳阮瑀草檄處名滿諸侯羨扁舟書劍五
湖烟月春城絲管六代歌樓樽酒旗亭風雅會料
此際歐陽放出頭西陵畔聽江潮怒發笑引吳鈞

玉樓春

送春

花飛南陌東風暮腸斷王孫芳草路綠槐影裏雨
初晴黃鳥聲中春暗去亂山疊疊看無數故國

遙遮雲外樹一年佳景等閒拋好夢欲尋無覓處

卜算子

喜雨

晨起火雲生棋罷珠簾午暗送牆頭夜合香粉蝶
雙飛去汗滴透羅衣手倦揮紈素乍喜風來似
故人幾點榴花雨

一剪梅

題畫扇

翠巘遙連起白雲嵐色當門樹影當門平坡如掌
靜無塵何處閒人來訪閒人茆屋匡牀幾度春
花鳥相親風雨相親寒香一抹暗消魂雪意三分
梅信三分

永遇樂

七夕觀項王諸劇同汪蛟門舍人陸恂若茂才王子諒內弟王奕臣

大火西流。雙星初會。填河佳節。絳燭高燒。湘簾暮捲。歌舞當筵。設賓朋膠漆。披襟引滿。領取澹雲新月。暑將殘。秋光一片。先到鳳城雙闕。 鍼樓兒女。競陳瓜果。自笑吾生。全拙急管繁絲。好天良夜。莫問蕭蕭髮。周郎在座。伊涼悲壯。千古風流堪接。嘆劉項紛紛。蟻戰英雄。銷歇。

前調

寄田髯淵孝廉

大雅猶存。雲間馳譽。君才無匹。屈宋衙官。凌顏轍

謝早擅生花筆。何緣高臥荒江。寂寞歲月閒中。拋擲憶當年。論文把臂。雲樹頓分南北。茂陵病免。襄陽坐廢。萬事總堪浮白。鞭弭中原。卿當獨秀。領袖詞場。客旗亭。貫酒梨園。潦倒佳句。雙鬢偏識。秋風裏。蓴鱸三泖。有人抱膝。

滿庭芳

寄懷雲間王伊人侍御

執斧中朝。掛冠神武。十年穩臥林臯。春申浦畔。烟水命輕舸。坐看九峯雲氣。伏枕處。海鶴凌霄。尊外左圖右史。世路任風濤。兒曹伯仲。是當年。二陸壓倒時髦。更臚傳高第。郢曲彌高。江左衣冠。領

袖趨庭夜笑引醇醪。倘存記故人消息。白髮漸飄。

蝶戀花 人日

紅日窺窗春意逗。剪綵爲人。戴勝今朝又。睡起尚
嗔人語驟。曉粧無力東風透。輕暖輕寒渾似舊。
笑問檀郎。驗取腰肥瘦。六博閨中誇勝手。鬢邊不
覺金釵溜。

眉峯碧 春暮

深院鞦韆罷。細雨梨花夜。曉起閒庭一片飛。忍又
見山桃謝。蛺蝶枝頭掛。苦憶前春話。門外東風

鏡裏顏。背人無語斜陽下。

驀山溪 題予培姪楫石齋圖

山房小構。玩世名心懶。愛片石峻嶒。伴藜榻香爐
茶椀。正襟抗手。慕海岳風流。左圖書。右琴書。牖上
樽嘗滿。妻孥爲黍。粗糲儒家飯。二仲偶招尋。共
斟酌。瓦盆羹。南窗寄傲。白眼向時人。貧自樂。夢
無驚。世事憑誰管。

望湘人 旅中九日

看門前寶馬。柳外紅亭。匆匆心事難說。袖染餘香。
巾藏暗淚。愁聽一聲離別。萬里羊城。五湖鯨浪。夢

竟飛越。憶昨宵。絮語丁寧。曾約歸期。春月惆悵。
山長水疊。捧鸞書一紙。早辭雙闕。正露冷蒹葭。依
舊河流。淒咽孤影裏。對驛燈明滅。夜角麗譙吹徹。
一般樣。綠醅黃花。辜負重陽時節。

訴衷情 旅懷

夕陽古道。斂殘霞。南雁數行斜。何緣人却如雁。迢
遞驛程賒。回首處。鳳城遊。亂雲遮。燈寒香閣。風
起郵亭。人去天涯。

菩薩蠻 宿伏城驛

伏城明月渾如昔。往來照盡長征客。今日我重過。

其如孤影何。遙看雲外樹。總是來時路。莫喜到
家鄉。鄉愁到更長。

滿江紅 過黃梁夢

官柳參差。消磨盡英雄多少。問華胥遠近。黃梁遲
早。仙侶已隨雲影去。行人又上邯鄲道。怪枕中日
月一何長。河山小。村市畔。墟烟裊。亭榭外。殘荷
老。任開山汗馬閒。花野草。壁上痴人爭說夢。那知
醒裏多顛倒。倩西風一夜捲空花。都堪掃。

念奴嬌 過綠柳長廊有感

滹沱南陌。憶當年。綠柳依依堪折。夾道長條張翠

幄清影寒生六月汗滴征衫塵飛驛路到此清涼
別今來駐馬濃陰一旦殘缺聞道舊日隋堤春
來渭樹空有蟬聲咽可惜長廊烟霧冷轉眼繁華
銷歇莫問秋風樹猶如此何況三千髮長途搔首
愁聽枝上啼鴉

減字木蘭花

邯鄲遺興

短檠孤館錦幄温存天際遠澹掃鉛華半在邯鄲
俠少家多情耽悞一笑因緣艱陌路馬上牆頭
不見當時舊畫樓

菩薩蠻

旅懷

驛亭秋盡寒風起離人今夜思千里刻燭幾踟躕
南來少雁書酒樽聊獨對半是閨中淚且莫盼
書來音書亂客懷

減字木蘭花

題畫扇

遙汀疎柳畫舫蘭橈沙岸口小坐篝燈堤外青驄
嘶未曾黃昏有約明月蘆花無定着茗椀香爐
十樣蠻箋薛校書

子夜歌

大店驛

泥牆草屋雞聲咽二千里外看明月地已入江淮
風沙何倍來鄉愁人似醉強伴昏燈睡雁到怪

無書連朝并雁無

念奴嬌

江行

用東坡韵

吳頭楚尾掛長帆。別是一般風物。白浪排空，天作
塹界，破東南半壁。遠樹微茫，遙峯斷續，夾岸霜如
雪。烟波無恙，消磨幾許人傑。坐聽鼓吹中流，候
風回五兩，棹歌齊發。向晚推窗，指顧中，數點漁燈
明滅。牛斗浮槎，鄉關回首處，頓更毛髮。空江渺渺，
憑闌涼轉新月。

千秋歲

長至泊廬山下

遙青縹緲，彭蠡湖天曉。葭管動，陽回早。香閨添綵

線。畫閣薰龍腦。人何處，樓船官燭寒相照。星渚
環山堞，戰壘埋荒草。傷往蹟，渾如掃。爐峰烟未收。
鹿洞雲還繞。濤萬疊，月明一點匡廬小。

水龍吟

贈羅弘載

竭來髯客江東樓。船把袂，波如練。長篇短咏，抽毫
伸紙，烏絲蠶繭。七子菁英，六朝金粉，風流非遠。任
青鞋布襪，窮關塞，名山喬嶽遊踪徧。行笈圖書
數卷，幾悲歌黃金臺畔。探奇禹穴，臨池蘭渚，聲華
早擅。雪苑開樽，旗亭觀伎，詞場消遣。問相如可有
臨邛重客，子虛誰薦。

蘇幙遮

冊

彭湖舟中題弘載所藏呂半隱畫

石林幽茆屋小。今古丹青。舉似吳興少。蜀客移家。浮玉峭。供養烟雲。揮手紅塵早。片帆輕。嵐翠裊。宛委詞人。携得江山到。懶瓚風流。渾未杳。幾幅溟濛。過眼匡廬曉。

沁園春

登令公祠畔望湖亭

潑灑湖光。黛染遙山。送目方賒。喜紅亭俯立。一天帆影。白波東去。幾縷殘霞。方寸鄉心。迢迢水驛。愁絕風濤博望槎。徘徊處。有喧闐列肆。烟火千家。神祠擊鼓。鳴笳想吳楚。當年鬪麗華。任青帘貫酒。

醉眠賈舶。牙檣吹角。驚起棲鴉。橫槩椎才。登樓客况。消盡江頭野草。花雲烟閣。正臺連蛟蜃。人侶魚蝦。

過秦樓

吳城雨中

樹隱千章。風輕五兩。堤畔人家。容與柴門。照水沙岸。連檣一片。吳城烟雨。遙望曉捲疎簾。小婦凝粧。映窗眉嫵。嘆天涯客子。三千餘里。雁沉汀浦。空聞說白苧江東。錦帆南國。顛倒醉鄉。歌舞寒林。半落霜葉。猶紅。愁見鳧鷖孤喚。更羨高風。此邦孺子。荒亭雲卿。黃土問江山。萬古茫茫。今夜夢回何處。

戀繡衾 舟過樵舍

樹色參差青未謝。斷嶺重崗。一抹烟如畫。漠漠江村寒雨乍。人家晒網疎籬樹。門外平橋臨水榭。柔櫓輕帆。清嘯船窗下。遠浦歸舟垂釣罷。乘風欲問漁樵話。

釵頭鳳 閨情

簾櫳悄。流蘇小。薰籠斜倚香還裊。歡方嫩。愁來頓。纖腰非舊。湘裙爭寸。褪褪褪。釵斜掉。梅如笑。銀缸生暈。燈花爆。春將近。鴻無信。天涯人遠。金錢難問。恨恨恨。

滿江紅 泊滕王閣下

森森寒濤。看百尺。蜃樓高結。問此地。何年畫棟。幾時明月。帝子閣空雲已散。詞人賦就名還揭。下長帆。對酒數憑闌。江天雪。簾捲處。嵐光疊。霞影外。沙沉鐵。嘆樓船。組甲當年。烟滅鷁首。淒清鳧雁度。波心澆。潯魚龍。咽攬笙歌客。醉舊江山。鄉心切。

念奴嬌 舟發章門楊陶雲載梨園置酒敘別

江城如畫。雪初晴。渺渺長天空碧。好友輕帆携酒到。載得滿船春色。吳下秦青。新翻樂府。橫吹寧王笛。旅懷無奈。茫茫對此。交集。憐我海角浮踪。逢

君遷客相對頭堪白。舞罷柘枝歌。子夜攪起魚龍窟宅。杜牧情多。司空見慣。懊惱紅燈夕。地隣滄浦。青衫今日重濕。

連理枝

閨情

暮靄生虛幌。雪片飄如掌。蟬鬢微鬆。水沉香冷。簾旌休敞。望遠遊孤客。蠟煤消盡。金釵墜響。

江南春

同前

風撼撼。漏沉沉。眉橫螺子綠。鬢壓辟寒金。梅英一瓣飛香雪。引起春愁到翠衾。

宮中調笑

同前

簷鵲簷鵲。朝來竝飛粧閣鏡臺螺。黛生塵。夢裏相逢遠。人人遠。人遠。試報歸期早晚。

又

銀箭銀箭。暗牽春愁如線。倦來繡幄寒輕。雙下金鈎響聲。聲響聲響。背褪鞋兒一綉。

醉花陰

瓶梅

疎影一枝風裊裊。暗送寒香小。淺水照橫斜。高士山中春色生多少。黃昏孤枕江聲悄。新月窺人好。遙憶綺窗前。晴雪霏霏銀蒜垂簾早。

宮中調笑

曉粧

朝起朝起侍兒催人梳洗。夢回臉暈紅潮。對鏡雙眉嬾描。描嬾描嬾。畱待檀郎湘管。

前調 晚浴

紗幔紗幔輕綃半沾香汗。下簾豆蔻湯溫。拭粉紅消舊痕。痕舊痕舊。驗取腰肢肥瘦。

前調 午睡

春困春困鷓鴣香班燒燼。一團花倦窗西。好夢閒階影移。移影移影。惱被鸚哥喚醒。

前調 夜坐

新月新月漏深畫簾輕揭。鴛鴦繡罷釵偏。伴冷蘭

缸碧烟烟碧烟碧樓上誰家玉笛

明月斜 閨情

漏三更香一縷妾夢長隨嶺上雲郎停錦纜何州

又

燈半昏寒猶峭繡被濃薰百和勻春纖冷撥么絃

鳳棲梧 初度

往日懸弧簾捲處花滿蘭房絲竹風前度綠酒紅燈雲影駐斑衣兒女歡聲絮今夜孤衾庾嶺暮

海角笙歌無奈思千緒料得香閨人澹佇好教歸
夢隨潮去

百字令

次韵酬羅弘載

天涯初度雨新晴過嶺寒消花放孤客牙門聞曉
角欲說離愁誰向海嶠樽罍蠻兒歌舞良夜同人
餉多情子野百端齊到心上獨幸峴首碑存樓
船戰罷依舊繁華相共道先人今有後父老車前
相望好友鴻篇詞塲綵筆競奏陽春唱深慙衰髮
斗筲每自知量

先人舊守雒州

瑤臺第一層

三水泊舟開府諸君召飲江亭

萬里羊城今咫尺飛帆幕府留艤舟三水簾開珠
箔幢擁青油海天烟煖瘴嶺客來一洗羈愁喜春
早正紅生亭榭綠滿汀洲朋儔主人情重鳳笙
龍笛夜啁啾尉佗臺畔田橫島外半醉江樓對蠻
方節鉞把手處頭髮霜稠轉歌喉問誰占星使到
自神州

雙頭蓮

嶺南元夕

海外繁華看絳燭圍紅星毬初放蠻鞞錦障月影
裏忘却鄉愁孤况暗想京國燈宵阻雲山千嶂春
一樣紫陌香塵有無鈿車來往憑仗午夜笙簫

把軍烽靜。偃消除兵象。江湖晚漲。燒火樹。粧點羊城尤壯。聽罷白苧吳歛。有周郎座上。天萬里對酒當歌。相看愜懌。

兩同心

嶺南歸典

粧閣燈紅。王孫草碧。驚烽火羅袖啼痕。憶遠棹粉奩寒夕。對東風。兩地牽愁。韶光拋擲。今日江帆回北。滿船春色。雕籠鎖鸚鵡音圓。名香選鷓鴣斑。擘報深閨不爽刀環。海南歸客。

洞庭春色

歸舟

萬里河梁。五羊歸櫂。夾路春風看荔枝。洲畔沉香

浦外簾開樓閣。帆動艤艫。載得珠江花鳥去。更干步香薰兩袖濃。斜陽岸。正袍侵草綠。衣染鵲紅。簾藏羅浮舊繭。早辨取舞蝶紗籠。問踏歌蠻樂。穿花遊女。尋芳何地。拾翠誰從。拋却南天烟月。暖喜北望長安紫氣重。驪歌裏。聽蘭橈笳鼓。驚起鼉宮。

嶺南有千步香草。又羅浮繭中出蝶。

鷓鴣天

春雨

滿載離愁。聽曉雞。一天風雨。晝淒淒。潮來畫艇春波滑。雲暗遙峯黛色低。竟欲斷路。還迷山深惱。煞鷓鴣啼。鏡中珍重朱顏好。指日帆懸楚水西。

瀟湘神春日

春水流。春水流。嶺南雨氣似深秋。苦憶故園花事好。寒雲片片夜猿愁。

又

春草肥。春草肥。越王臺畔布帆歸。何處酒旗堪醉客。曉鶯聲裏一花飛。

又

春日晴。春日晴。海天回首綠烟平。簫鼓千船牽錦纜。幾番花醉五羊城。

又

春岫齊。春岫齊。素馨叢裏鷓鴣迷。遊女踏歌花外去。雙雙羅襪蹴香泥。

滿江紅

雒州感舊

滇水漸漸幾番歷。興亾今古。伴戈船羽檄。珠簾歌舞。總角曾看庾嶺。月白頭更聽。凌江雨。問當年。城郭舊衣冠。皆黃土。翻翡翠。銀塘去。迴紫燕。雕梁語。嘆春風一樣。朝朝暮暮。天許遠來星漢客。不堪往事。傷心數。怪海南風。世有何緣。遊重補。

青玉案

題扇面蜂蝶

落花飛絮遊絲骨。傷若箇。秋千院。鳳子蜻蛉雙翅。

顫尋香沾粉。綴紅成片。莫使愁人見。綠烟如織。
銀塘慢。性癖長耽花鳥伴。苦被黃塵催髮短。謝池
春咏。滕王蛺蝶。寫入輕羅扇。

庭院深深 閨情

人遠雕櫳閒。屈戍芙蓉影。瘦三秋。春來懶整玉搔
頭。山桃開盡。何處滯蘭舟。紫燕不知儂。落膽飛
飛。觸響簾鈎。棟花風起。入粧樓。喚郎薄倖。珠串濕
香篝。

玉樓春 春閨

燒殘魚片凝粧坐。懶把蠻牋催曉課。研羅裙子蝶

鬚牽。玉燕釵梁花刺墮。香泥小步苔痕破。報道
春歸眉暗鎖。繡窗兒女太憨生。手弄櫻桃紅數顆。

踏莎行 暮春

鶯轉林梢。蝶沾粉絮。押簾銀蒜牽蛛縷。鴛鴦幔揭
鬱金寒。秋千索挂東風暮。綠暗西園。雁沉南浦。
檀郎驕馬知何處。章臺街裏。片花飛。紅粉樓中三
月雨。

東風第一枝 途中送春

柳絮鋪勻。梨花落盡。客愁踏遍階砌。輶軒尚滯歸
途。畫闌共誰同倚。江南春色。都分付野田流水。問

幾家煖炙笙簧。何處競薰羅綺。門悄悄。戍樓晚
吹風閃閃。驛燈落翠枝頭。嬾聽鶯奴。簾間怕飛燕
子。流蘇宛轉。想小閣短檠。鍼指盼此宵。有夢先回。
可到鴛鴦幃裏。

家升父司農公教子弟家法醇謹雖步履步
旋進退規矩必合法度自理學經濟諸書外
稗官野史都不令流覽然於詩詞必使涉獵
為曰所以發其興觀怨使識古人美人香
草皆有所寄托也故允植得從間竊觀叔父
蕉林集凡樂章小令必一一從統素間誌之

先是松陵徐子電發請于升父合宗伯龔公
詞刻之吳郡已風行海內矣然棠村詞猶孔
翠麟角未覩全豹也允植因蒐輯叔父前後
諸稿與徐子重為校訂徐子益勸允植增梅
村祭酒並為三先生詩錄行世云南北鼎峙
似宋珠玉六一東坡後世必有傳者君其為
升原之小山乎允植謝不敏然叔父之詞則
河朔江南傳唱已遍固非允植小子一人所
得而私也姪男允植謹志



跋

執旣刻合肥宗伯七十二芙蓉詞成携至京師西
樵阮亭諸先生都稱善本共贊刊播宇內名作以
備樂府之選一日謁大司農梁公於蕉林書屋公
從末座召執至前指陳風雅乃得竊侍几杖讀公
撰著請效校讐之後先以詩餘從事未幾南遊錢
塘倉卒併裝不遑盡啟枕秘僅從蛟門舍人許搜
得公棠村詞數十闕並散見于鈔統零素問者歸
鏤之吳郡雖片鱗嘗鼎而詞場宿老已爭購不置
公小阮冶湄令君因力請全集先生遂從家郵中

以先後諸稿授梓治涓政事之暇細為裒輯時執
與公家雲麓遠在署內治涓訂與同校因遂得窺
全豹始知公不厭以詩教古文為海內所傳誦即
長短句亦奪冠平仲歐陽永叔之座也時康熙甲
寅春仲吳江受業徐欽謹書



范文正司馬溫公韓魏公皆一時名德重望范御
街行有眉間心上無計相迴避之語韓點絳唇有
武陵凝睇人遠波空翠之句至溫公西江月直云
相見爭如不見有情還似無情風流婉麗其視廣
平梅巷一賦又為過之非故好閒情也直因至性

纏綿鬱而不洩遂借長短句以抒其忠愛之忱不
然彼榛苓之頌美人離騷之歌香草將不登於周
秦漢魏以上也癸丑冬日因弟允植較鐫叔父棠
村詞集遂連類及之姪男天植謹識



棠村詞終



